



**Institutiones Canonicæ**

**Schnorrenberg, Anno**

**Coloniae, 1740**

LXXVI. Delictum personæ non debet in detrimentum Ecclesiæ redundare.

---

[urn:nbn:de:hbz:466:1-62040](#)

præstat, ab altera parte, ut fidem servet, & ex ea debitum præstet, petere non potest. Ratio est: quia omni contractui tacita inest conditio, de eo, quod promissum, servando: si fidem alteri datam servaverit: L. cum proponas, 21. C. de pactis. Is autem qui sub conditione promittit, ex conventione quacunque non tenetur, nisi conditio implea-

tur. §. sub conditione. 4. institut. de V. O. quod ad eō veram, ut quamvis contractui adjectum sit Juramentum. Sicut enim promissiōnī simplici tacita inest conditio: si fidem datam alter tervaverit: ita quoque inest apposito Juramento, quā proinde deficiente Juramenti non urget obligatio. Cap. pervenit, 3. de Jurejur.

## REGULA LXXVI.

*Delictum personæ non debet in detrimentum Ecclesiæ redundare.*

**Q**uæres primò. Quis hujus Regulæ sensus?

¶. Si Ecclesiæ membrum, Oeconomus, Syndicus, Procurator, Rector vel Prælatus delictum committat, ad reparationem injuriæ vel damni tertio illati, vel ad pœnæ solutionem Ecclesia non obligatur. Ratio est: quia Ecclesia Jure pupilli & minoris illæsa servari debet. Cap. 1. de in integr. restit. Id eoque Prælatus vel administrator licet Ecclesiæ conditionem meliorem, deteriorem tamen facere non potest. Cap. fraternitatem, 2. de donat, ac ita delinquendo Prælatus vel Rector Ecclesiæ nomine agere non præsumitur.

Exempla sunt 1mo. Si Episcopus deponatur, aut feloniam committat, bona Ecclesiæ fisco non cedunt, nec Dominus directus illis se immiscendi ha-

bet facultatem. Can. si Episcopum, 3. caus. 16. q. 6. 2do. Immobilia Ecclesiæ bona malè alienata à Successore alienantis, Superiore, Capitulo, imo ipso Prælato illegaliter alienante & propriam turpitudinem allegante repeti possunt. Can. Apostolicos, 13. caus. 12. q. 2. cap. si quis, 6. de rebus Eccles. non alienand. 3to. Si Syndicus Ecclesiæ falsum instrumentum ab ipso Prælato confectum in Judicio producat, nullum per id Ecclesiæ præjudicium generatur. Cap. cum Venerabilis, 6. §. ad hoc. de exceptione.

Quæres secundo. Quæ Regulæ exceptio?

¶. Regula in commissionis, non in omissionis procedit delictis; Prælatus enim tuā negligentia Ecclesiæ obesse potest. Sic ex negligentia Prælati contra



tra Ecclesiæ quadragenaria currit præscriptio. *Cap. de quarta. 4. cap. ad au-*  
*res. 6. cap. auditio. 15. de prescript.* Sic  
quoque negligentia Prælati vel Procu-  
ratoris instrumenta in Judicio non ex-  
hibentis in tantum obest Ecclesiæ, ut  
nonniſi beneficio restitutionis in inte-  
grum ei succurratur. *Cap. cum venissent.*  
*2. de in integr. restituunt.* Aliqui hanc

secundam addunt exceptionem: niſi  
delictum à Prælato cum consensu Capi-  
tuli fuerit perpetratum: quia tunc, cum  
tota Ecclesia deliquisse censeatur, in  
faciendo Ecclesiæ infert præjudicium.  
Exemplum est in *Cap. cum dilectus. 2. de*  
*ordin cognition.* ubi Ecclesiæ Ipoliationis  
niſi Prælato factæ nocet exceptio.

## C A S U S.

### *Ad utramque Regulam.*

**R**enata Belgii gubernatrix Coronæ Galliæ pacis proponit conditiones, quas illam non accepturam novit, ut illo modo avertat, ne cum hoste Sueco fœdu iniat. (A) Coronæ Galliæ con-  
ditiones pacis reculanti temestris offert inducias, ut interea de aliis pacis con-  
ditionibus deliberetur Inducias Gallia acceperat; sed cum Renata tempore in-  
duciarum, quidquid nervi bellici, ex Germania confederata adveheleret, Gal-  
lia inducias rumpit, & bellum ab utra-  
que parte acrius urgetur. (B) Super  
quo quidam Galliæ fautores Renatam  
fugillant, quod ipsa ex lege Christiana  
pacem etiam cum iis, qui pacem ser-  
vare nolunt, servare teneatur, ad exem-  
plum Davidis, qui de le ait: *Cum his*  
*qui oderunt pacem, eram pacificus.* (C)  
Maximè cum inducias ab utraque parte  
Jurare esent. (D) Postquam bellum  
annis quibusdam duravit, intervenien-  
tibus Germaniæ Principibus pacis fiunt  
consultationes. Imo petit Gallia ur-

gentibus Germaniæ Principibus hære-  
ticis, ut liberum maneat toleratarum  
in Imperio religionum exercitium. (E)  
2do. Ut liberum religionis exercitium  
juretur, & si quid contra illud admit-  
tatur, statim à Germaniæ Principibus  
mediatoribus & pacis defensoribus  
fiant repressalia. (F) 3to. Cum Elec-  
tor quidam Ecclesiasticus huic bello  
tese implicaverit, ideoque ab Impera-  
tore Electoratu privatus, Galli plenam  
ejus restitutionem, omniumque dam-  
norum reparationem ex Reg. 76. exi-  
gunt. (G) Metropolitanum etiam in-  
terveniens Capitulum Ecclesiam suam  
ex recessione Prælati & Electoris pluri-  
ma damna per eandem Regulam repa-  
randa pertulisse conqueritur. (H) Qui-  
bus ab altera parte opponitur, ipsum  
Capitulum in fœdus contra imperii  
constitutiones cum Gallia initum con-  
sensisse, & ea de causa detrimentorum  
petere non posse reparationem. (I) Imo  
quidam sustinebant Ecclesiam illam

Aa 2 esse



esse perpetuò dignitate Electorali privandam, eámque ad aliam Ecclesiam cathedralē vel Metropolitanam transferendam; quia Imperatores & impe-

rium eâ lege & conditione Ecclesiis illis dignitatem contulerunt, si fideles Imperio permanerent. (K)

## R E S O L U T I O.

(A) **Q**uamvis hosti servanda fides, cum tamen per stratagema-  
ta absque fidei violatione decipere licet.  
*Can. Dominus. 2. caus. 23. q. 2.*

(B) Quia Renata veluti provida ad-  
ministratrix tempore pacis & inducia-  
rum de bello cogitare, & quæ ad illi-  
us, si pax non sequeretur, prosecutio-  
nem necessaria, comparare poterat: ideo Gallis inducias perfidè rumpenti-  
bus, Renata bellum à parte sua urgere  
liberum erat, per *Regul. 75. & cap.*  
*quia frustra. 14. de usur.* Nec obstabat  
*can. innocens. fin. caus. 22. q. 4.* ille  
enim publicam non continet necessita-  
tem, sed ad perfectionis pertinet plen-  
itudinem.

(C) Homo privatus in foro con-  
scientiæ non solum pacem cum non ser-  
vante pacem servate, sed etiam inimi-  
cum diligere tenetur. Alioquin audi-  
et: *Nisi abundaverit iustitia vestra plus*  
*quam Scribarum & Pharisaorum non in-*  
*trabitis in regnum calorum.* Nec plus  
vult *Can. inter verba. 55. caus. 11. q. 3.*  
& *can. Dominus. 25. dist. 93.* Aliud  
est de Magistratu Jus pacis & belli ob-  
tinente.

(D) Non obstat adjectum à Rena-  
ta inducīs Juramentum; promissio  
enim tacitam habebat conditionem: Si  
Corona Galliæ pactas inducias etiam

servet. *Arg. L. si quis fundum. 37. ff. de*  
*contrahend. empt.*

(E) Renata in hanc conditionem,  
nisi necessitate coacta aliter extricare se  
non possit, consentire nequit: cum tur-  
pis hæc conditio sanæ religioni contra-  
rietur.

(F) Hanc quoque conditionem so-  
la excusat necessitas, & sicut, qui la-  
troni mille dare juratò promittit, vi Ju-  
ramenti, usque dum à Superiore ab  
eodem absolvatur, manet obligatus,  
ita etiam Juramentum, quo hæreticis  
religionis exercitium est promissum, so-  
la durante necessitate obligat, cum all-  
ter Catholici jurare non valeant.

(G) Quando Episcopus vel Præla-  
tus fundum à Principe non personæ sed  
Ecclesiæ datum propriâ culpâ perdit, eo  
vivente ex feudo nec damnum nec fru-  
ctum habet Ecclesia; eo tamen mortuo  
re feudalis ad Ecclesiam vel Successo-  
rem reddit.

(H) Quanquam Ecclesia ex Prælati  
delicto per Reg. 76. damnum directè  
non patiatur, indirectè tamen pati po-  
test. Sic Prælatus Ecclesiæ in acquirendis  
nocere valet. Exempla sunt in *Cap.*  
*auditio. 15. de prescript. cap. cum venis-.*  
*sent. 2. de integr. restitut.*

(I) Nec nocet Ecclesiæ Prælati &  
Capituli delictum: sed sicut Prælatus  
quia



quia est solus bonorum Ecclesiae administrator, eidem per malam administrationem obesse nequit, ita ut proprio facto contravenire, & propriam allegandoturpidinem rem male alienam Juramento non obstante vindicare possit. *Gloss. in cap. 1. de integr. refut. in 6. V. contractum.* ita etiam quia Capitulares sunt solum cum Prælato Ecclesiae administratores, eidem suo delicto nocere non possunt, per Reg. 76. & Reg. 22. *Non debet aliquis alterius odio prægravari.*

(K) Et si etiam sub memorata conditione collata si Ecclesiae electoralis di-

gnitas, Jus tamen electorale Ecclesiae innocentij plenè quæsum ob Elec-toris defectum non est auferendum per Reg. 76. sed

*Quæres.* Titius fundavit anniversarium in Ecclesia Regulari sub condicione: ut si Religiosi anniversarium non servent, fundatio ad Ecclesiam parochiale transferatur. An anniversarium, Religiosis illud non servantibus, transferendum?

*R<sup>e</sup>. Affirmative.* Quia Ecclesiae regulari non absolute, sed sub condicione; si servetur anniversarium, est acquisita fundatio.



## REGULA LXXVII.

*Rationi congruit, ut succedat in onere, qui substituitur in honore.*

**Q**uæres primo. Quis hujus Regulae sensus?

*R<sup>e</sup>.* Qui in dignitate aut in alio honorifico succedit munere, eum quoque in onere & connexis obligationibus decet succedere, juxta illud Gregorianum: Cum honoris augmento cura quoque sollicitudinis debet accrescere, ut cultui vestrum actionis ornamenta convenient. *Can. rationis. 9. dist. 100.*

Quæres secundo. Quæ Regulæ sunt Exempla?

*R<sup>e</sup>.* Sunt imo. Filii vel heredes Patroni, quia in Jurispatronatus succidunt honore, eos etiam in onere defendendi Ecclesiam succedere oportet. *Can. filius. 31. can. 16. q. 7.* 2d<sup>o</sup>. Prælatus sicut in honore, sic quoque succedit in onere solvendi prædecessoris sui debita, pro Ecclesiae utilitate contracta. *Cap. 1. de solution. ibi:* *Sicut filius debita Patris solvere tenetur, ita Prelatus sui prædecessoris, pro Ecclesia necessitate contracta.*

A a 3

R E-